

TE HEHEURAA API

I neʻa i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 1.

Tenuare 1926.

Mat. 20.

*Ia horoa te taata i to'na iho ora no to'na ra mau taua,
aita roa e taata aroha ê atu i tei reira. O outou to'u taua i
haapao outou i te mau parau atoa ta'u i parau atu ia outou
na. (Ioane 15:13-14.)*

Ia Ora Na i te Matahiti Api.

E TE mau hoa no te Heheuraa Api e, ia ora na outou atoa
i teie nei matahiti api. Ua mairi roa te matahiti tahito
i muri ia tatou, e ia hió i muri i nia i taua matahiti tahito
ra, e ite ai tatou e, e ohipa maitai tei ravehia ra, e ua haere
rii tatou i mua. E roto i teie nei matahiti api râ, a faa-
itoito â tatou ia hau aé ta tatou ohipa maitai i te rahi i to
te matahiti i muri.

A faatupu tatou i te aroha i rotopu ia tatou iho, haa-
mori tatou i te Atua i to tatou aau atoa, e mai te mea e na
reira tatou i roto i teie nei matahiti api e roaa ia tatou paa-
toa te oaoa e te hau. Ia ora maitai outou paatoa i teie nei
matahiti, o te hinaaro mai ʻā o te Heheuraa Api.

Te Mau Mana'o o te Aau.

“E faaitoito i te tiai i to aau na; o te tumu hoi te reira o te ora.” (Māseli 4:23.)

O te aau ra, o tumu ia o te aroha, te here, te riri, te mataú, te faaroo e te faaroo ore.

No rotō i te aau te mau ino, no te mea, mai te taata e manaó i roto i to'na aau ra, o oia iho ia. Te mau mea ta te taata e manaó i roto i to'na aau, o te reira ia ta te arero e parau mai.

“Area ta te vaha e haapuai mai, no roto mai ia i te aau o te mea ia e viivii ai te taata. No roto mai hoi i te aau te manaó iino, te taparahi taata, e te faaturi, te poreneia, e te eiā, te haavare te faaino. O te mau mea ia e viivii ai te taata.” (Mataio 15:18-20.)

Ua faaue mai te Fatu ia tatou e, eiaha roa tatou e faatia i te mau manaó iino e ô mai i roto i to tatou mau aau. E faantuaraa rahi riaria to te taata e manaó i te mau manaó iino. Ua na ô hoi te Fatu i te faaue mai, “Te parau atu nei râ vau ia outou, o te hió noa'tu i te vahine ei faatupu i te hinaaro, ua faaturi ia ia'na i to'na ihora aau. Inaha, te faaue atu nei au ia outou, eiaha outou e faatia ia tae taua huru mea ra i roto i to outou aau.” (III Nephi 12:28-29.)

E roaa i te taata te oaoa e aore râ te oto no roto i te aau, tei te huru o te manaó; mai te mea e manaó maitai to'na ra, e oaoa te roaa ia'na, e mai te mea râ e manaó ino ra e oto te roaa ia'na. Mai te mea e manaó noa te taata i te mau manaó iino i te mau taime atoa, e riro to'na aau ei mea viivii mai to'na mau manaó iino te huru.

A tamā tatou i to tatou mau aau i mua i te Atua, no te mea e hió Oia i nia i te aau, eiaha i nia i te huru o te taata i rapae au, no te mea, “ehiōpōa (Oia) i te manaó e te opua o te aau ra.”

faatu
e on

hoi ta
tatou
tatou

Ua
reira
e tia'
tatou
tatou

F
raa f
e te i
Atua.
roto
haap
parau
ere ai
rohip
(Ohip
e, “e
te At
hoi to

papa pupu

Ua faaite mai o Solomona e, te vai ra e ono mea tei faatupu i te riri rahi o te Atua, e te hoé o teie nei na mea riri e ono na te Atua ra, "o te aau i opua i te parau ino ra."

E no reira, a tamâ tatou i to tatou mau aau, e a faaau hoi tatou i to tatou mau aau i te Varua o te Atua, eiaha roa tatou e faatia i te hoé manaó ino e ô i roto ra, ia riro râ to tatou mau aau ei vahi parahiraa no te Varua tia.

Hebera Foutera

Eaha ia te Taata?

Ua ui mai o Ioba i roto i to'na ra mau ati e, "Eaha te taata i (faarahi) ai oe ia'na?" E uiraa faufaa rahi te reira i te taata nei. Ia ite tatou, o vai tatou, e eaha tatou e tia'i hou e roaa'i te ite ia tatou no nia i te tumu no to tatou parahiraa i roto i teie nei ao, e i te mau mea e tupu ia tatou a muri atu.

Eaha hoi te pahonora a o te Bibilia no nia iho i taua uiraa faufaa rahi nei? A taio tatou i te Luka i te pene toru e te irava hopea: "Na Enosa, na Seta, na Adamu, na te Atua." E no reira, o Adamu te metua no te mau taata i roto i teie nei ao ra o te tamaiti ia oia na te Atua. Ua haapâpû rii o Paulo ia tatou no nia i to tatou Metua mau a parau ai oia i to Heleni: "No'na hoi to tatou ora, ei hahere ai, e i parahi ai hoi, mai ta ve toofanu o to outou mau rohipehe i parau maira e, e tamarii atoa tatou na'na." (Ohipa 17:28.) E riro paha te tahi mau taata i te ui mai e, "eaha, te parau mai nei outou e, e tamarii mau tatou na te Atua?" Na te parau a Paulo e pahono mai, "E metua hoi to tatou to te tino nei o tei aó mai ia tatou, e ua faati hoi

HISTORIAN'S OFFICE LIBRARY

The Church of Jesus Christ of Latter-day Saints

13254

tatou, eiaheia rahi atu to tatou auraro i te metua o te varua nei, e ia ora atu?" (Hebera 12:9.) E e metua mau te Atua no tatou i te paeau varua, eiaha no to tatou mau tino. O Adamu ia te metua no to tatou mau tino.

I parau mai hoi Iesu e, "O vau e te Metua ra, hoé â ia." E ia'na i parau i taua parau ra, na tupu oioi ihora te riri o te mau ati Iuda o tei faaroo ia Iesu i te parauraa i taua parau ra. Ua rave ihora ratou i te mau ofai e pehi ia'na, e ua parau atura Iesu ia ratou i reira e, "E rave rahi ta'u ohipa maitatai i faaite atu ia outou na tau Metua ra; o teiheia te ohipa i taua mau ohipa ra i taora mai ai outou ia'u i te ofai na? Ua parau maira te ati Iuda ia'ua na ô maira, E ere i to te ohipa maitai e taora'tu ai matou i te ofai, no te tahi râ, o oe o te taata na i faa-Atua ia oe iho. Ua parau atura Iesu ia ratou, E ere anei ua papaihia i roto i ta outou ture na e, Ua parau na vau e afua outou?" (Ioane 10:34.)

I roto i taua pahonuraa a te Fatu ra ua faahiti oia i te hoé irava i papaihia i roto i te Salamo i te pene 85. No te Atua iho te varua taata. A ta o tatou i te hoé maa parau iti i roto i te Koheleta pene 12 e te irava 7; "Ei reira te repo e ho'i ai i raro i te repo no reira oia ra, e ho'i ra te varua i te Atua i horoa maira." A tamau i te parau "ho'i" Aita roa e nehenehe ia tatou ia "ho'i" atu i te hoé vahi o tei ore i taehia na e tatou.

I ora noa na to tatou mau varua hou tatou i fanauhia mai ai i roto i te ió e te ivi nei. Ua faaite mai o Ioba e, "A fatu atoa'i te mau fetia poipoi i te himene, e na pii noa te mau tamariki o te Atua i te oaoa i te taime i haamaubhia'i te tumu o te fenua n-i." (Ioba 38:7.) Ua maitihia o Ieremia ei peropheta no te mau fenua hou oia i fanauhia mai ai i roto i te tino nei. (Ieremia 1:5) Ua faaite atoa mai o Paulo ia tatou e, ua maitihia tatou ei mau feia moá hou teie nei ao. (Ephesia 1:4)

Ua taa noa i te mau aposetolo a Iesu Mesia e, i ora noa na tatou hou teie nei ao, no te mea ua ani mai ratou i te Fatu e, "na vai te hara na'na iho anei, e na na metua anei, i fanau matapo mai ai oia?" Na teie nei uiraa e haapâpû mai tatou e, ua manaó i hora ratou e, ua nehenehe i taua taata ra ia hara hou teie nei ao. E ere roa i te mea tia ia manaó e, e faautua te Atua i taua taata i taime i fanauhia mai ai oia ra no te hoé hara ta'na e rave a muri aé. Aita te Fatu i pahono mai e, aita i nehenehe i taua taata ia hara hou teie nei ao, ua parau noa mai râ oia e, "E ere i to te hara a teie nei taata e te hara a na metua ra."

E mea ora te varua i roto i te tino e aore râ i rapae au i te tino. Ua faahiti mai o Paulo i te hoé parau no te hoé aita o'na e tino (II Kor. 12:8.) Ua aó atu Iesu i te mau varua tei tapeabia i roto i te fare tapearaa i muri roa aé i te poheraa o to ratou mau tino. (I Petero 3:19.) E i te taime hoi i faahuru-ê-hia'i Iesu Mesia ra, ua fâ mai o Mose raua o Elia. (Luka 9:33.)

E ere te taata i te varua anaé, a taio rii tatou i te Gen. 2:7, "A hamani ai te Atua ra o Iehova i te taata i te repo fenua nei, ua haapu ai i hora oia i te aho ora i roto i taua apoo ihu ra, riro aéa te taata ei taata ora." Ia amuihia te varua e te tino ra, o te taata ora ia, e te taata ora ra, o te hohoá mau ia oia no te Atua. I muri aé i te tia-faahou-raa e roa ia tatou te mau tino hanahana, e te mou ore, e e ió e te ivi to taua mau tino hanahana ra. I muri aé i to Iesu tia-faahou-raa mai te pohe mai, ua fâ maira oia i te mau aposetola ra, e na parau maira oia e, "A hió mai na i tau rima e tau avae; o vau mau â; a fâfâ mai na ia ite; aita o te varua e ió e te ivi mai to'u nei, ta outou e hió mai nei." (Luka 24:39.) O Iesu ia te matamua tei roa ia'na te tia-faahou-raa, e noa hoi ia tatou te mau tino mai to Iesu te huru. A taio hoi tatou i te mau parau nehenehe a Ioane: "E au mau here e, e tamarii tatou na te Atua i teie nei, e

aita i itea to tatou huru a muri atu: na ite râ tatou e, ia fâ mai oia ra, e riro tatou mai ia'na atoa e huru; e ite hoi tatou ia'na i to'na ra mau huru mau." (I Ioane 3:2.)

Te faaroo nei matou e, no te fare moá o te Atua tatou, e e riro hoi tatou i te faahanahanahia, e e roaa hoi ia tatou te mau tino hanahana e te mou ore i muri aé i te tia-faahou-raa mai te peu e, ua haapao tatou i te mau ture e te mau faaueraa o te Evanelia a Iesu Mesia a ora noa ai tatou i roto i teie ao tahuti noa nei. E no reira, a faaitoito â tatou i haapaoraa i taua mau ture ra.

—Hebera Foutera

E Parau Faaitoitoraa

I muri aé i to Iesu bapetizo-raa-hia, faatia i hora oia i ta'na Ekalesia. Tuu maira oia i te mau toroa atoa i roto i taua Ekalesia ra, mai te haapao i te îraa o te evanelia. Ua na ô maira Mareko e, ua faataa'tura oia i e tino ahuru e ma piti, ei pihai'ho ratou ia'na, e ia tonono hoi oia ia ratou e porohaere i te Basileia. (Mareko 3:14) Ua faaue oia ia ratou e, ia faaitoito ratou i te ohipa, e ia haamanaó ratou i te mana ta'na i horoa mai ia ratou ra.

Ua maiti hoi Iesu i e hitu ahuru, ia porohaere ratou i te evanelia. Ua na ô maira Luka e, "E muri aéra, ua haapao atura te Fatu i e hitu ahuru, e tatoopiti atura i te tonoraa ia ratou na mua ia'na, i te mau oire e te mau vahi atoa ta'na i opua ra e e haere atoa oia i reira. (Luka 19:1) Ua haapii noa Iesu te faaroo i ta'na mau pipi, e ua faaue ia ratou

ia faa
te pa
haapi
parau
ore te
Basile

U
taata
5:25,
i roto i
i te pa
No rei
petizol
vainei
lesia a
oia hoi
nei Ek
teie oh
tatou
i hora t
feia i p
no tei
ite tato
to ratou
ua pap
no te m
Maitai
raa, e r
a Iesu
mau Ek
hoé noa
te Mau
roto i te

ia faarahi ratou i to ratou faaroo. Ua haapii atoa'tu oia i te parau tatarahapa, e te baptizoraa utuhi, mai tei au i te haapiiraa na Ioane. Ua na ô mai ra te hoé vahi e, "Ua parau atura Iesu, Amene, amene, e parau atu vau ia oe, ia ore te taata ia fanau i te pape e te Varua e ore oia e ô i te Basileia o te Atua ra." (Ioane 3:5)

Ua haapii atura Iesu e, e aôhia te evanelia i te mau taata i pohe, e e horoahia'tu te ravea e ora'i ratou. (Ioane 5:25, 28) E haavâhia te taata no te mau ohipa ta'na i rava i roto i te tino nei, e ua ite hoi tatou e, ia ore te taata ia fanau i te pape e te Varua, e ore oia e ô i te Basileia o te Atua ra. No reira, ua tupu te uiraa e, nahea te mau taata tei ore i baptizohia i roto i te tino nei? Aita anei ta ratou e ravea. Te vai nei te ravea e te ravehia nei te reira ravea i roto i te Ekalesia a Iesu Mesia i te Feia Moé i te Mau Mahana Hopea nei, oia hoi ia, te baptizoraa no te feia i pohe. Ua hape anei teie nei Ekalesia no te raveraa i te reira? Aita roa ia, ua tia râ teie ohipa, no te mea, ua ravehia ia i te tau no Iesu. A taio tatou i te parau na Paulo, o tei na ô mai e, "Aore ra, eaha i hora te feia i baptizohia no te feia i pohe ra, ia ore roa te feia i pohe ra ia tia faahou? Eaha i hora ratou i baptizohia'i no tei pohe ra?" (I Kor. 15:29) Na roto i teie nei parau ua ite tatou e, te rave ra te mau Aposetolo, i teie ohipa i roto i to ratou anotau, e mai te mea e, ua rave ratou i taua ohipa ra ua papu ia tatou e, e ture mau ia no te Ekalesia a Iesu Mesia, no te mea e, ua aratai-noa-hia te mau Aposetolo e te Varua Maitai e mai te mea, ua ere teie ture i roto i te hoé haapao-raa, e mea papu roa ia, e ere te reira haapaoraa i te Ekalesia a Iesu Mesia. Ua tupu faahou â te tahi uiraa e, O vai te mau Ekalesia tei haapao i teie ture? Teie ia te pohonoraa, hoé noa iho, oia, te Ekalesia a Iesu Mesia i te Feia Moá i te Mau Mahana Hopea Nei, e te ravehia nei teie nei ohipa i roto i te mau hiero, mai tei au i te mau faaueraa i parauhia


mai e te Fatu ra e Iesu Mesia

Teie te tahi uiraa, teihea te haapaoraa, no'na teie mau ture e teie mau toroa mai tei au i te mau parau i papaihia i roto i te Biblia. teie ia te pobonoraa, ua faatiahia ia e Iesu Mesia, i te matahiti 1830, e te vai noa nei â taua Ekalesia ra, e te tupu nei i te rahiraa e ua parauhia ia te Ekalesia a Iesu Mesia i te Feia Moá i te Mau Mahana Hopea Nei.

A imi tatou i te Ekalesia mau a te Atua ra, e imi ma te aau haehaa e te pure uána, ia roaa mai ia tatou te mau maitairaa e rave rahi, no ô mai i te Atua ra. Eiaha râ tatou e vare i te mau orometua, tei porohaere atu i te evanelia no te moni, no te mea, ua na ô maira Iesu e, "O tei tarahuhia ra, e ere oia i te tiai mamoe ra, e ere hoi to'na iho te mamoe, ia ite râ oia i te uri taehae i te haereraa maira, faarue ihora i te mamoe horo ê atura, motumotu ihora te tahi pae i te uri taehae, purara ê atura te nănă. (Ioane 10:13)

Eaha te tumu Iesu i parau atu ai i teie mau parau, maori râ, ia haapii atu e ia haapapu atu i te feia atoa i to'na hinaro, ia ore ratou e farii mai i te mau orometua tei porohaere i te evanelia, no te roaaraa mai i te faufaa no te paetino nei. E rave rahi te mau parau papai, tei haapapu mai ia tatou e, aita te Atua e faatia ia porohaerehia ta'na evanelia no te moni, no reira, eaha tatou i faaroo noa'i i te mau parau, ta teie mau orometua i parau mai, a ite ai tatou e, e ere ia te parau a te Atua. Ua horoahia mei te evanelia a te Atua i te mau taata'toa, te mau taata faufaa, e te mau taata veve, e na tia i te taata'toa ia roaa mai teie evanelia. No reira, a haamanaó i te parau no Iakobo, o tei na ó mai e, "Te ere ra râ ta hoé o outou i te ite, e ani oia i te Atua ra, o tei horoahua mai i te maitai i te taata'toa ra, ma te patoi ore; e a horoahia mai ta'na." (Iakobo 1:5)

—Ioane Orotona



TE HIERO MO'A O TE ATUA
I VAIHI

Te Mau Parau Apî

Ua faaite mai te mau vea no te Hau Amerika e, e faatiahia te hoé fare tipaeraa apî i te oire rahi o Niu Yoka e 42 tahua to'ua

I te tufaa fenua Nevada i te fenua Amerika i roto i te avae Titema i mairi aé nei, ua tupu te hoé aueueraa fenua. Ua parari te mau hió haamaramamamai roto i te mau fare e ua faaea te mau wati e ua parari atoa te tahi mau fare.

I te fenua Amerika i roto i te avae Titema i mairi aénei ua tupu te auahi i roto i te hoé fare toa, e aita hoi i maoro a tupu faahou ai te auahi i roto i te tahi mau fare toa e ua paapaa roa'tura te oire taatoa.

I te oire rahi o Niu Yoka i roto i tele nei avae Titema i mairi aénei, ua itea i te hoé mutoi no taua oire te tino pohe no te taata moto o Siki. Ua pupuhia oia e aita i itehia na vai oia i pupuhi.

I te fenua Amerika i roto i te evae Titema i mairi aénei ua patia te hoé taata ia'na iho i te tipi, e ua pohe roa'tura oia. Ua manaóhia e, ua na reira oia no te mea ua tupu-pinepine-hia aénei oia i te maí.

I te fenua Iapone i roto i te avae Titema i mairi aénei ua tupu te peapea i rotupu i te tahi na pupu taata rave ohipa, e ua tamaí ratou te tahi i te tahi i te raau e te tipi e ua pohe roa e hitu taata, e e reve rahi hoi tei pêpê e tei puta i te tipi.

I te fenua Rusia i roto i te avae Novema imairi aénei, ua pupuhia e 12 taata, no te eiâraa i te tahi moni a taua Hau ra

I te fenua Amerika i roto i teie nei avae Titema i mairi aénei, ua tupu te riri o te hoé tamaiti iti, i to'na mama, e ua pupuhi atura oia i to'na iho mama, e ua pohe roa atura oia.

I te fenua Amerika i roto i te avae Novema i mairi aénei, te hauti ra te tahi na tamarii e toopiti i nia i te prumu a horo haapuai roa mai ai te hoé pereoo uira na nia i taua na tamarii ra, e ua pêpê raua, aita râ i pohe.

I te fenua Amerika i roto i te avae Titema i mairi aénei, ua tupu te auahi i roto i te hoé fare toa, e ua pohe roa e piti taata i roto i taua ati ra, e tera ia te rahiraa o te moni i mauáhia, oia hoi e hoé mirioni dala moni Amerika. (1,000,000.00)

Ua tupu aénei te auahi i roto i te hoé fare tipaeraa i te fenua Amerika, e ua paapaa roa atura, e te taoto ra e 40 taata i roto ra a tupu ai te auahi, e ua horo anaé ratou i rapaeau. Ua mauáhia hoé hanere tauatini dala i roto i taua ati ra.

I te fenua Amerika i roto i te avae i mairi aénei, ua tupu te auahi i roto i te hoé nahu, e tēi nia i taua uahu ra te mau huru taoá atoa tēi faaineinehia no te haponu, e ua mou roa'tura te uahu e te taoá atoa, e tera ia te moni i mauóhia i roto i taua ati rahi ra, e maha mirioni dala moni Amerika. (4,000,000.00)

I te fenua Amerika i roto i te avae Titema i mairi áenei ua tupu te hoé ati mataí rahi, e ua mou roa e piti oire, e ua pohe e 30 taata.

Ua tupu áenei te hoé ati mataí rahi roa i te fenna i Itaria e i te fenua Bulgaria, e ua mou roa te tahi mau oire i roto i te reira fenua i taua vero rahi ra.

Ua tupu áenei te auahi i roto i te hoé fare hamaniraa raau rahi roa i te fenua Amerika, e ua mou roa'tura taua fare rahi ra, e tera ia te rahiraa o te moni e mauáhia, oia hoi, e toru mirioni dala moni Amerika. (3,000,000.00)

I te fenna Amerika i roto i te avae Titema i mairi áenei a horo ai te tahi mau taata na nia i to ratou pereoo uira ra, ua tupu te peapea i te matini o taua pereoo uira ra, e ua faaea ihora i nia i te eá o te pereoo auahi, e i taua taime ihora ua ô mai te pereoo auahi i nia iho i taua pereoo uira ra e ua mou roa'tura te reira, e ua pohe roa e 10 taata.

Mai tei au i te mau tabala o te tufaa fenua Calaforania i te fenua Amerika, ua pohe e iva hanere taata na roto i te mau ati pereoo uira. Ua pohe vetahi pae na roto i te tahu-riraa o te ratou mau pereoo uira, e ua pohe hoi vetahi pae na roto i te úraa o te tahi mau pereoo uira i nia iho ia ratou, e ua horo atoa te tahi mau pereoo uira na nia iho i te tahi pae, e ua na reira ratou i te pohe.

O. B. Peterson, Imprimeur,

Rue Brea et de la rue Dumont d'Urville, Orovini, Papeete

mea,
te ati

I ten
i
tapea
vahit
o Ioan
Iesu i
U
i faau
ua ho
poro-
atu. E
note
o Ioan
tupu
i nia